

續山東考古錄卷之九

滄州葉圭綬子佩甫述

武定府下

樂陵縣

漢青州平原郡樂陵縣幽州渤海郡重合縣定縣及千童縣地
樂陵縣故城在東南二十五里今魏王城後漢書邳彤傳章
懷注樂陵故城在今樂陵縣東元和志燕將樂毅所築漢
志臨淮郡樂陵下云侯國此樂陵不云侯國考漢惟史高封
樂陵侯其子丹封武陽侯食邑在郟可證高所封在臨淮不
在此水經注元和志並誤

續山東考古錄

卷之九

樂陵縣

一

蝸角尖廬

重合縣故城在西北

里詳下

定縣故城在北

里水經注屯氏別河北瀆逕重平縣

故城南應劭曰重合縣西南八十里有重平鄉又東北逕重
合縣故城南又東北逕定縣故城南地理風俗記曰饒安縣
東南三十里有定鄉城故縣也按重平城在今德平西北三
十里樂陵在德平東北八十里至德平界五十里重合當在
樂陵西北境內二三十里舊稱在縣東南非是 饒安在縣

西北三十里今舊縣鎮定縣在其東南三十里當在縣北古里

小於寰宇記定城在饒安南四十里據新饒安言也

漢志千童靈帝改曰饒安元和志饒安縣本漢千童縣即秦

千童城據此似饒安千童是一城而寰宇記滄州下云後魏
熙平二年置州理饒安卽今饒安縣東當作東南千童故城饒安

縣下云唐武德元年移治故千童城貞觀十二年移治浮水

城卽今理今直隸滄州新縣鎮俗曰尋縣舊唐志亦稱移治千童城則千童

當別一城矣水經注無棣溝逕高樂故城北又東分爲二其

枝瀆東南逕樂陵郡西又東南逕千童故城東史記王子侯

年表曰故重也一作千鍾應劭曰靈帝改曰饒安也按酈氏

不云千童饒安有兩城則此千童城仍指饒安城高樂故城

卽今南皮東南之董村鎮無棣溝枝瀆自其東入樂陵郡界

又東南正今鹽山舊縣鎮地魏刁遵墓志稱葬於饒安城西

續山東考古錄

卷之九

樂陵縣

二 蝸角尖廬

南孝義里其墓在舊縣西少南八里高家莊南舊縣大寺佛

座多魏齊時饒安人題名舊縣爲舊饒安縣無疑寰宇記引

十三州志云饒安東南二十里有童鄉亭而疑爲章鄉故城

章訛爲童考章鄉故城在南皮東南今猶名章鄉莊史記表

千鍾侯徐廣注曰一作重重本章之訛是千童縣亦可去千

字而稱童縣童鄉亭旣在饒安東南非千童故城而何以今

里計當在舊縣東南十二三里樂陵北有千童鄉或在樂陵

境內也紀要稱在滄州東北鹽山志稱在其縣東北寰宇記

稱在無棣一統志以爲皆誤是也

後漢青州平原郡樂陵縣冀州渤海郡重合縣及饒安縣地千童

改後漢志脫載建安中樂陵縣屬樂陵郡魏晉因之

後魏滄州樂陵郡治樂陵縣初析置義興郡太和中廢魏志太和之上

衍晉移樂陵郡來治又安德郡重合縣正平元年省魏志入安陵寰宇記

作樂太和十八年復又浮陽郡饒安縣地齊天保七年省重合

入樂陵見寰宇記周因之

魏志樂陵有樂陵城寰宇記後魏永平二年徙樂陵於今縣

東五十里樂陵故城按亦當在今縣東也或曰卽魏王城而

別無城以當漢城再考

隋滄州渤海郡樂陵縣及饒安縣地開皇初廢樂陵郡十六年分置

鬲津縣詳下大業初省入樂陵

續山東考古錄 卷之九 樂陵縣

三 蝸角尖廬

唐河北道滄州景城郡樂陵縣及饒安縣地武德四年復置鬲津縣

與樂陵並屬棣州六年還屬貞觀元年省鬲津入樂陵太和二

年屬棣州旋還屬五代因之

唐樂陵縣故城在西北二十五里寰宇記唐貞觀元年自樂

陵故城指後魏縣移縣於今所元和志樂陵縣重合故城在縣東

二百步寰宇記又云鬲津枯河在縣西三里東北流入饒安

界鈞盤河在縣東南五十里按鬲津河在今治北三十許里

唐縣在其南河逕其西則城在河南去河僅三里一統志稱樂陵西北

二十五里有樂陵故城正重合故地卽唐縣也而通府縣志

皆所不載余鄉亦不聞有此城蓋湮沒久矣

隋唐鬲津縣城無考唐鬲津於貞觀元年省樂陵卽於是年徙唐樂陵城近鬲津疑徙鬲津故城也備考近志有謂卽舊縣鎮者按金志有新舊兩饒安鎮新卽今新縣鎮舊卽舊縣鎮隋時饒安猶治舊城不得又爲鬲津縣治

宋河北東路

滄州景城郡

樂陵縣

宋樂陵縣故城在西南五十里今舊樂陵城宋志樂陵熙寧

二年徙治於咸平鎮通志稱唐貞觀中徙咸平鎮誤 九域

志樂陵有楊攀口鎮今隸直隸寧津縣知唐宋樂陵有今寧

津東境

金南京路滄州樂陵縣

續山東考古錄

卷之九

樂陵縣

四 蝸角尖廬

元都省燕南河北道河間路滄州樂陵縣

明山東布政司濟南府武定州樂陵縣洪武元年屬濟寧府二年屬濟南府六年屬樂安州

明樂陵縣卽今治明志洪武二年移治富平鎮考九域志樂陵有郭橋鎮今治北門橋猶名郭鎮橋富平其改名也

國朝山東布政司武定府樂陵縣初因明舊雍正二年屬武定直隸州十三年州升府仍舊屬

縣志

乾隆二十九年修知縣王謙益

沿革後漢省千童誤

劉宋樂陵

郡不在此

封國有漢厭次侯爰類富平侯張安世並云

厭次卽樂陵因富平鎮致誤

古蹟樂陵古城有二按樂

陵古城凡有四近志皆無後魏唐兩城 福城在今縣西
北按寰宇記福城當在濟陽 東鄉城前漢東鄉侯方爲
梁敬王子按漢志沛郡有東鄉侯國梁王子那得封此魏
志樂陵有東鄉城卽定鄉音轉耳

商河縣 據水經注商河又名小漳河以聲相近也則當讀夏商之商而隋志唐志皆作滴字通典作商音滴夫許商所開之說雖見元和志而漢書溝洫志水經注皆無此說蓋漢建始四年議開屯氏諸河遣許商行視以爲用度不足而罷河平三年商與王延世等塞決河安有開新河之事乎唯水經注已作商作滴者恐係筆誤也

漢青州平原郡枋縣後漢省入般縣魏晉後魏因之齊周末詳枋縣故城在東北四十里今棘城村水經注商河自般縣南又東

逕枋鄉縣 當云枋縣故城南應劭曰般縣東南六十里有枋鄉城

續山東考古錄

卷之九

商河縣

五 螭角尖廬

故縣也棘城村在商河北西北去般城里數相符棘枋之轉音也禹貢錐指稱在縣西北非是邢侗云棘城疑爲陳師道集雞籠城之訛未知何據 後漢縣東境或有入厭次者

高齊般省入平昌厭次省入陽信縣境或爲兩縣地

隋 滄州 勃海郡 滴河縣開皇十六年置

滴河縣卽今治元和志滴河縣本漢枋縣後漢省隋於此置滴河縣因北有滴河以名之又云滴河在縣北一十五里按漢枋縣城在商河北隋商河城在商河南今縣北十五里馬頰河卽商河也續通典誤稱商河在縣南寰宇記兼採二說竟不自覺矛盾齊乘遂逕以商河城爲枋城近志遂指縣南

黃河故道爲商河一語之繆踵而加厲矣

隋志滴河下云又有後魏漯沃縣後齊省考後魏兩漯沃劉

宋僑置者固不能至縣境其滄州之漯沃仍漢舊縣境

詳濱州

與縣中隔厭次亦不能有其地考宋武移漯陰於巨漯亭縣

南境接濟陽實有古漯陰地或誤以爲漯沃歟否則齊省漯

沃或亦入陽信隋置商河東境當有高齊陽信南境其地本

古厭次漯沃相接處因此致誤歟存疑俟考

唐河南道

棣州安樂郡

滴河縣貞觀元年屬德州十七年屬五代因

之

宋河北東路

棣州安樂郡

商河縣

續山東考古錄

卷之九

商河縣

六

蝸角尖廬

金山東東路棣州商河縣

元都省山東濟南路棣州商河縣

明山東布政司濟南府武定州商河縣

國朝山東布政司武定府商河縣初因明舊雍正二年屬武定

直隸州十三年州升府仍舊屬

縣志

道光十五年修知縣龔廷煌

沿革前漢爲枋爲漯沃按隋志第三云

有後魏漯沃尙有不合此須存疑 魏晉劉宋皆漯沃地

按劉宋漯沃在漢千乘郡地斷不及此 元爲無棣縣至

元初改後復改爲商河又云元地志無棣至元二年併入

樂陵以縣治入濟南之棣州尋復置又無棣宋金屬滄州

元初以半屬滄州半屬棣州又商河爲中無棣爲下元史並載似各爲縣而後併入商河按此條之繆殊不可解元無棣並未改商河並未省入樂陵並未省入棣州並未併入商河元史並未有此文無棣商河絕不接壤無故牽混成此巨繆殆不可解

濱州

漢青州千乘郡漯沃縣及平原郡富平縣地後漢省漯沃入千乘縣又平原郡厭次縣地魏復置漯沃縣屬樂陵國

水經注地理風俗記曰千乘縣西北五十里有大河河北有漯沃城故縣也按千乘城在高苑北二十五里通典以蒲臺

續山東考古錄

卷之九

濱州

七 蝸角尖廬

今蒲臺鎮爲漢漯沃縱非故城當在其西不遠一統志稱在今蒲

臺縣西北固是但蒲臺西北大清河正古河渠漯沃城在河北當在濱州南禹貢錐指稱在今蒲臺東則在千乘城東北不合紀要稱在蒲臺東南愈繆

魏志厭次有蒲臺祠水經注商河自富平北分爲二水南水南有

蒲臺三齊略曰鬲城東南有蒲臺今東去海三十里齊乘本此稱蒲臺爲有鬲氏國後漢以漯沃爲鬲縣考證曰于氏云云蓋續漢志無漯沃縣故據劉昭注鬲縣下注引三齊記鬲城東

南有蒲臺也按水經注云云見上今爲濱州地後漢時中隔厭

次漯陰樂陵般縣考證誤謂鬲城在德平故不數安德不當與鬲城接而蒲臺

謂今 縣 又在其南四十里豈得爲有鬲氏之國乎伏琛齊記或

緣鬲爲平原近縣故以表識方面猶言郡之東南境耳自注

云又按後魏書厭次有富城卽富平之省文酈注敘商河南

北二水承逕富平城之下亦疑訛富爲鬲也余按前說未免

曲爲之辭注說確然無疑魏志蒲臺祠本在厭次可爲明證

蓋齊記筆誤劉氏酈氏皆仍而未改劉氏逕係鬲縣下致成

于氏巨繆此臺在州東十里今日秦臺則州北境爲厭次地

劉宋志濕沃下前漢屬千乘後漢無何云魏立當是魏復立

也宋志僑州郡縣下皆實土沿革其實名是而地非也魏志亦如此幸每載其山川古蹟後人賴以稽考茲引此以證

曹魏復立濕沃非謂宋縣在此也 補三國志濕沃下未引此條人將不知所

續山東考古錄

卷之九

濱州

八 蝸角尖廬

據矣寰宇記稱宋復置誤

晉冀州樂陵國濕沃縣及厭次縣地

後魏滄州樂陵郡濕沃縣及厭次縣地齊周末詳

魏志濕沃治亂城有后父城水經注魏改濕沃爲後部亭俗

遂名之曰右輔城按右卽后字訛后輔城卽后父城蓋後魏

徙治亂城改漢城爲亭也亂城今不可考然漢城在縣當仍

漢縣故境或曰卽隋蒲臺城備考

高齊濕沃未詳省入何縣州北境當爲齊陽信地

隋滄州蒲臺縣開皇十六年置隋亂廢又厭次縣地

蒲臺縣故城在東南二十五里今蒲臺鎮寰宇記蒲臺縣州

濱州東南二十五里又云一作五十里非是元和志蒲臺在縣北三十里

按宋省蒲臺入渤海為鎮九域志渤海有蒲臺鎮即故治今

蒲臺縣乃金縣元和志蒲臺縣本漢漯沃地隋開皇三年

改屬滄州十六年改為蒲臺縣據此是隋初復於亂城置漯

沃開皇十六年乃改名非始置矣

唐河南道

棣州樂安郡

渤海縣蒲臺縣武德三年復置蒲臺縣屬鄒

州八年屬淄州貞觀六年省入高苑七年復垂拱四年析蒲臺

厭次置渤海縣景龍元年蒲臺來屬五代梁唐晉漢因之於渤

海置贍國軍

渤海故城在東四十里天寶五年移於今州治元和志渤海

續山東考古錄

卷之九 濱州

九 蝸角尖廬

縣本漢

當作隋

蒲臺縣地垂拱四年分置在棣州東一百一十

里天寶五年以土地鹹鹵自縣西移四十里就李邱村置按

新唐志渤海析蒲臺厭次置不僅蒲臺地也

舊唐志淄州下武德八年又以廢鄒州之長白高苑蒲臺三

縣來屬景龍元年又割蒲臺隸之後割屬棣州按新唐志蒲

臺於景龍元年屬棣州舊志隸之後割四字是衍文

後周河南道濱州治渤海縣顯德三年升贍國軍為州又蒲臺

縣

五代史濱州以其濱海為名也

宋河北東路

濱州渤海郡

治渤海縣大觀二年賜郡名大中祥符五

年省蒲臺入之為鎮慶曆三年析置招安縣

金山東東路濱州治渤海縣又析置蒲臺縣明昌三年析置利津縣

元都省山東濟南路濱州治渤海縣州初屬益都路中統三年屬濱棣路至元二年屬

明山東布政司濟南府濱州洪武初廢渤海縣其地直隸於州國朝山東布政司武定府濱州初因明舊雍正二年直隸布政司十三年降散州來屬

縣志康熙年修沿革漢至隋但書屬某郡無縣名不知縣楊容盛

合古蹟漢後魏兩潔沃城隋蒲臺城唐渤海城皆無之

利津縣

續山東考古錄

卷之九

利津縣

十

蝸角尖廬

漢潔沃縣地蓼城縣地後漢千乘縣地蓼城縣地魏晉同前漢後魏滄州潔沃縣地齊周末詳隋蒲臺縣地唐五代蒲臺縣地渤海縣地宋渤海縣之東永利鎮

近志以縣為齊渠展地管子所云渠展之鹽也無確據

後魏時蒲

臺東去海僅三十里今濱州東十里秦臺也今利津霑化海豐諸縣古未必有其地矣後世海水東去漸開諸縣近志於蒲臺濱州利津霑化皆云古潔沃地一縣有知許大耶今諸縣為古何地亦第約畧言之非敢謂古縣境土所必至

漢千乘郡有蓼城縣都尉治水經注河水自千乘北又東北過蓼

城縣北其治所雖不可考今蒲臺東境利津南境樂安西北境大約皆有其地今本水經注訛蓼作黎禹貢雖指逕改作利城微論在齊城北五十里之利縣不能在千乘縣東北且

縣名利不名利城也後漢志劉昭注誤引杜預釋攝城之文於蓼城下齊乘逕以爲古聊攝地失考甚矣

九域志渤海縣有東永利鎮厭次有永利鎮也通志利津故城在大清河東縣東門外縣志云遺址尚存考金置縣迄今未徙治此或古鎮城或別有古城俟考

金山東東路濱州利津縣明昌三年置

利津縣卽今治

元都省山東濟南路濱州利津縣

明山東布政司濟南府濱州利津縣附洪武初置樂安千戶所

後改名武定

續山東考古錄

卷之九

利津縣

十一 蝸角尖廬

武定千戶所故城在東北七十里卽豐國鎮

國朝山東布政司武定府利津縣初因明舊雍正二年屬濱州

直隸州十三年來屬 裁千戶所

縣志康熙十一年修古蹟渤海舊城在縣西北濱州界唐

置縣治永利鎮金升爲縣遂省入州按旣知渤海城在西北何又以爲治永利鎮旣爲渤海縣何以金又升縣旣云升爲縣何以又云省入州旣知在濱界何又入縣志無一句不誤無一句不矛盾

蒲臺縣

漢至隋同利津縣唐五代蒲臺縣地宋渤海縣地

隋置蒲臺縣在縣北隔大清河五里今隸濱州宋省

互詳濱州

金山東東路濱州蒲臺縣金初復置

金蒲臺縣即今治金志無始置之年疑劉豫復也

元都省山東般陽路蒲臺縣初屬濱州中統五年屬

明山東布政司濟南府濱州蒲臺縣洪武元年屬淄川州二年

屬

國朝山東布政司武定府蒲臺縣初因明舊雍正二年屬濱州

直隸州十三年屬

縣志乾隆二十八年修沿革三國千乘郡漯沃縣按後漢

知縣嚴文典

已改千乘郡為樂安國魏漯沃屬樂陵國

續山東考古錄

卷之九 蒲臺縣

十一 蝸角尖廬

霑化縣

漢陽信縣地富平縣地後漢魏晉後魏陽信縣地厭次縣地齊

周陽信縣地隋陽信縣地厭次縣地唐五代渤海縣地

舊以縣為漢漯沃縣地以縣為渤海所分渤海又蒲臺所分

故也不知唐渤海北境已為厭次縣地霑化又在其北烏得

為漯沃地縣治西去漢陽信故城較近漢陽信東界諸海縣

境當為漢厭次陽信兩縣地

宋河北東路濱州招安縣慶曆三年置熙寧五年省為鎮元豐

二年復

招安縣即今縣治本招安鎮

金山東東路濱州霑化縣本招安明昌六年改

元都省山東濟南路濱州霑化縣

明山東布政司濟南府濱州霑化縣

國朝山東布政司武定府霑化縣初因明舊雍正二年屬濱州
直隸州十三年屬

縣志

沿革後漢省漯沃入漯陰誤甚

續山東考古錄

卷之九

霑化縣

十三 蝸角尖廬

武定府補遺

惠民縣

宋史真宗紀大中祥符七年冬十一月乙酉濱州河溢八年正月戊戌徙棣州城齊乘云四年清河溢壞城徙治者誤矣 又施昌言傳除河北都轉運使言事者以爲濱棣等六州河可涉宜有城守如邊以待契丹詔昌言與宦官楊懷敏往視昌言曰六州地千里又河數移徙城之甚難而無利契丹未渝盟先自困非便也按宋初州郡十九無城六州謂濱棣德滄貝博也張存傳契丹與元昊結昏聚兵塞上存言河北城久不治宜留意乃以爲都轉運使盡城諸州

續山東考古錄

武補

一 蝸角尖廬

濱州

魏書爾朱弼傳爲青州刺史天光之赴韓陵也世隆長史房謨爲齊州行台募士馬以趣四瀆口弼總東陽之衆亦赴亂城揚聲北渡以爲犄角之勢按旣云揚聲北渡亂城當在河南矣輿地廣記濱州自唐虞以下地理與涿州同涿當作棣

海豐縣

寰宇記保順軍本無棣縣之保順鎮